




ŒXY 754 porte ancien L 4º 463 Reliure and armes de De Mon avant ges deux mariages









MONSIEVR DV BVYS,

rest non deferenceaçan in a 1 y a q Le Noy, elfat party d annaive de Védredi jour de faince



DE

Roch dezieme d'Aoust, deriner passé, s'en alla coucher à ONSEIGNEVR, SI l'euse eu la hardiesse conforme au uouloir de uous escrire, log temps a que mes escripts fussent paruenus en uoz mains: mais, cosiderant que ma petitesse n'estoit suffisante pour entrepren dre sur moseigneur & maistre, ay desisté de faire mon debuoir.

En quoy me ren grandement coulpable, me soubzmettant à telle peine qu'il uous plairra m'enioindre, auec protestatio que, puys qu'il uous a pleu me faire digne de uoitre escript, bien souvent vous importuneray de tout ce que de nouveau le pourray entendre, pour le contentemet de uostre person ne:à laquelle ie destre de satisfaire à mon pouoir: lequel ie remets à la disposition de uostre seul uouloir, pour à uostre co mandement rédre telle obeissance que merite un uostre sem blable. Et, pource que par uostre escript me remerciez d'une chose que n'auez receüe, en ce uous plaira accepter mon excuse, & accuser la faulte du porteur; de la quelle estát aduer-

ty, n'ay uoulufailhir uous efcriredepoind en poind l'issue du triuphe magnifique de nostre tresillustre Prince & Roy, Henry deuxieme de ce nom, fur la conqueste & recouurement de plusieurs places fortes, & quasi inexpugnables, sur les Angloys, au pais de Boulongnoys: lequel pour la prolixité uous femblera fascheux: mais en ce excuserez mon igno rance, & prendrez en bonne partie ce qui est faict de la natu-

re, & non descience acquise.

Le Roy, estat party d'Abbeuille, le Védredi iour desainet Roch, sezieme d'Aoust, dernier passé, s'en alla coucher à cinq lieuespardelajen une petite uille, nomee Rue: & au lendemain, enuiro les uespres, arriva à Mostreul: ou il sut receu par monseigneur le Connestable, & par monseigneur d'Aumalle: qui ia s'estoyent departis de la Maiesté, des la ville de Compieigne, pour aller faire dreffer le Camp, & hafter les Copaignies Lelendemain, dixhuictieme dudict moys, enuiron le Midy, le Roy partit dudiel Monstreul, accopaigne de Monseigneur de Vendosme, de Loys Mosseur, son frere, de monteigneur le Conestable, de monteigneur de Guile, de monseigneur d'Aumalle, de monseigneur le Mareschalde fainct André, & de plufieurs autres Princes & Seigneurs de sa maison: & au deuat de sa maiesté, sa Cornette, & plusieurs Compaignies d'hômes d'armes & cheuaulx legiers, pour la garde dudict seigneur:lequel estoit fort bien armé, & en fort bel equipage. Et en tel ordre prindrét leur chemin droict au Camp, qui estoit à quatre lieues pardela ledict Monstreul, en un uillage nommé Neufcastel, pres la forest d'Ardello, sur le chemin de Boulongne: & n'estoit lediet Camp encores fort grand, à cause que toutes les Copaignies n'estoyent encores arriuees. Cedictiour l'on auoit enuoyé quelques pionniers S. A.

au

au pont de Bricque (qui est sur la Riviere, qui va à Boulongne) pour accoustrer ledictpont, & les chemins, pour passer l'artillerie (car ledict pont estoit tout rompu, depuys l'autre guerre) mais, pource qu'il ne fut baille escorce ausdicts pionniers (qui fut chose allez indiscrettemet faicte) ils furet par les Angloys, la plus grand part, taillez en pieces. Au iour d'apres, noître Camp passa ledict pont, & costoyasmes à l'entour de Boullemberg:qui est le plus hault mont de tout le païs deBoulognoys (encores que ce soit tout pais motueux) & pource le nomment ils en leur langage Boullemberg, qui signifie en nostre langue mont de Boulognoys: sur la summité duquel mont y a un Fort à quatre Boulleuardz, ou quatre poinctes, construict par les Angloys, depuys ces dernieres guerres: & est ledict Fort de grande importance: car il descouure tout ledictpays, Boulongne la haulte & la basse, & tous les autres Fors, tant leurs que nostres. Nous passames doncques à l'entour dudict montemais non sans mettre bonne escorse de tous costés par dessus les montaignes & uallees circonuoisines, de paeur de quelque embusche: & mes mement noz Souldars ne se pouuoyent tenir d'aller escarmoucher iusques sur les fossés dudict Fort: & ceulx du dedas n'estoyent endormis à nous saluer à grands coups de Canons: qui tiroyent auec si grande impetuosité que bien souuent uenoyent tomber deuant noz piedz, toutesfoys sans nous faire grand dommage. Nous uinsmes camper, ce dict iour, sur une petite montaigne, entre ledict mont & la forest de Desureue: duquel lieu le Roy seit faire des tranchees, à mode d'un Fort, & y laissa bonne garnison, pour l'escorse des uiures, & pour asseurer le passage: pource qu'il falloit que tous les uiures & autres munitions, passassent par la, à la

misericorde des Angloys: laquelle est bien petite. Nous ne campasmes là qu'un iour & demy: car le Roy n'estoit deliberé d'y fermer son Camp: come i'ay ia dit, mais d'y laisser seulemet bone garnison: & y fut laisse quelques pieces d'artillerie, & bone garnison de Lantzquenetz, & aultres Souldars Frácoys, & une Cópaignie d'hômes d'armes. Le iour que le Roy feit leuer son Camp de là, il mada, par un sien Tropette, à ceulx du Fort des Angloys qu'ilz feissent trefues, pour ce iour, de leur artillerie, & qu'ilz laissassent passer nostre Cap, & que,s'ils tiroyét, que nostre dict Camp ne fust tout passé, feroit mener son artillerie deuant leur Fort, protestant de n'en bouger iamais qu'il n'eust tout mis à feu & à sang. Ce qui les estonna si fort, qu'ilz furent contrainctz à l'accorders & ainsi passa nostredict Camp à seurté: mais sans ladicte trefue ne l'eust sceu faire: car il falloit passer à la misericorde de leur artillerie. le ne uueil icy omettre à uous reciter la fidelité & preudhommie d'aulcuns Italiens: ascauoir d'un, qui se disoit bastard de la Miradole, frere bastard du Comte de la Mirádole, qui està la Court. Ledict bastard estoit parti d'Italie, accopaigné de plusieurs Souldars Italiens, auec saufconduict du Prince de Melphes, luy donant à entendre qu'il auoit entédu que le Roy leuoit quelques gens pour aller contre les Angloys, & que luy & ses gens s'y uouldroyentuoulontiers trouuer. Ce que ledict Prince leur accorda. Il uint luy & sa compaignie iusques à nostre Camp, ou ils surent tresbien receus: & au iour, que nous departismes de deuant le mont de Boullemberg, il demoura sur la queue, comme pour escorse: &, quad le camp sut passé, il comence à donner sur les nostres, criant à ses compaignons, qui l'aymeroit qui le suyuist: & ainsi s'en alla rendre luy quarante sept, ou quarante

rante huictieme, aux Angloys. Vray est qu'ils furent si bien poursuyuis qu'il en fut prins sept, ou huict, qui furent saictz, assez tostapres, Euesques des chaps. Ledictiour nous allasmes camper en un uillage, nommé Hardentun, à demy lieue deca Marquise: ou, en une maison de Gentilhomme, bié sofsoyce d'eaue tout à l'entour, se trouueret treize ou quatorze Angloys:qui, auectroys ou quatre, harquebuses à crocs, pensoyent tenir bon cotre toute nostre armee: mais ils ne durerent pas longuemet. De là nous allasmes caper sur une mon taigne, à demie bonne lieue pres le Fort d'Ambletene: qui est une place merueilleusement forte, à cinq Boulleuardz, ou poinctes, bien fossoyee à profonds & larges fossés, remplis d'eaue, d'entre Septétrion, & Occident, & la basse uille, qui ua iusques sur le bord de la mer: & est situee sur Dunes de sable:parquoy n'y estoyét que petites cahuettes, faictes de terre grasse & menue charpenterie: sinon qu'au millieu de la place y auoit une belle maison, faicte de bricque, qu'ils appelloyét la maison Royale: qui seruoit pour loger le Capitaine, & retirer les munitions au bout de la uille. Sur le bord de la mer y a une aultre place carree, qu'ils appeloyent le Chasteau, auec une grade platte forme, hault esleuee, & bien massonnee, auec bonnes grosses pierres, & fournie de bonne artillerie:qui bat le long de la mer, & à la terre, iusques au grand Fort: lequel a du costé d'Occident le haure : qui est l'un des plus beaulx de toute cellemer: & du costé de midy, sur la riuiere, à cinq cens pas plus bas que le susdict Fort d'Ambletene, y a un aultre petit Fort, nomé Selacque: qui n'est qu'à quatre Boulleuardz, situé sur une petite coline: lequel les Angloys auoyent fait faire pour la dessence du grad Fort & du haure. Or le Roy feit mener, deuat ledict Fort de Selacque, uingt

uingt &ccinq pièces d'Artillerie de campaigne: commecas nons, doubles canons, & couleurines: & estoit besoing d'auoir celuy pour le premier, à cause qu'il dessendoit le grand Fort, & le haure. L'artillerien'eut pas battu deuat deux heures, que les deux Capitaines dudict Fort sortirent pour parlementer auec Monseigneur le Connestable, qui estoit aux tranchees, à ueoir faire la batterie: & uouloyent rendre la place, en sortant tous bagues sauues:mais la sortune sut bien plus mauluaise pour eulx. Car, ainsi que les susdictz Capitaines parlementoyent, noz Souldars, animés contre cestecanaille, come Tigres, pour la cruaulté qu'ils ont accoustumé d'user enuers les nostres, quad ils entiennent en leur puissance, commencerent à y grimper les rampars, & entrerent pesle mesle dedans le Fort: & les Angloys, qui pensoyent que l'accord fust selon leur desir, aidovent à monter à noz gens, tant qu'ils uirent le contraire. Car noz Souldardz, ayans gaigné ledict Fort, comencerent à mettre tous les hommes par pieces. Les Angloys, uoyant telle execution estre faiche d'eulx, se uou lurent mettre en dessence: mais ne sceurent si bien faire qu'il n'en fust tué quatre uingtz & huict, sans nulle misericorde:lesquelz ie uci tous estendus par la place: & les aultres, auec leurs femmes & enfans, furét prins prisonniers: & pouuoyent estre, en tout, dedas ledict Fort enuiron deux cens trente creatures. Mais encores fault il, Monseigneur, que ie uous face, par ce discours, recit d'une chose, de grand horreur & depitié, d'un de ces pauures malheureux Angloys: qui, apres auoir esté despouillé tout nud, pour fuir la mort, que par exemple de ses compaignons il se uoyoit preparer deuant ses yeulx, se meit tellement à courir, auec seulement sa chemise trousse deuant ses parties honteuses, qu'il se trouua au Camp des Lantzquenetz: BUIL

netz: & de là, pour eschaper tousiours, & se cuider sauluer, uint tomber au plus profond de ses malheurs. Car il se trouua entre les mains de noz pionniers, qui sont gensassez rustiques & mal pitoyables: & pource mesmement que tous les iours en estoit tué grand nombre par les Angloys, en faisant les tranchees, ils les auoyent tellement irrités que, tout aussi tost qu'ils ueirent cestuy la, ils le prindrent: &, ainsi comme ils se debatoyent entre eulx de quelle mort ils le feroyent mourir, le plus moindre d'eulx luy donna d'un poignard si grand coup à l'estomach qu'il luy meit au corps iusques au manche, tant qu'il tomba à la renuerse : & alors de tous les aultres n'yeut celuy qui ne luy baillast quelque coup : les uns de leur pelle, & les aultres de leurs picqs, de sorte que c'estoit horreur de le ueoir. Et ne se fault esmerueiller si noz Souldars se sont monstres quelque peu cruelz enuers eulx: car, en escarmouchant deuat le Boullemberg, les Angloys prindrent un de noz plus braues Souldars: auquel ils arracherent le cueur du uentre, tout uif; puys le meirent au bout d'une lace. C'est une cruelle natio. La prinse du susdict Fort sut le jour sainet Barthelemy, uingt quatrieme iour d'Aoust, dernier passé. Apres telle execution, faicte par noz gens, le Roy feit mener partie de son artillerie au deuant de leur Chasteau: qui, comme i'ay cy deuant dit, est situé à l'un des boutz de la uille, sur le bort de la mer: & notez que, ainsi que noz gens s'amusoyent à prédre le susdict Fort, les Angloys, qui est oyent dans la basse uille, se retirerent dedans le grad Fort: & meirent le feu dans icelle, & la bruslerent toute, reste leur Chasteau: dans lequel ils laisserent quelque peu de gens, pour la dessence, auecques quelques pieces d'artillerie, tant de bronze que de fer : qui faisoit grand dommage à noz gens: & en fut tué quelques uns : mesimement un

13 1

10 11

- K

. -9 --2

-8

----

\_\_ {

Gilbert Quantin, Parisien, fortuaillant homme, Lieutenant d'une Côpaignie. Quoy uo yant monseigneur de Vendosme, come Prince magnanime & courageux, sur le soir du mesme iour sainct Barthelemy, feit donner l'assault d'une telle serocité que ceulx de dedans furent contrainctz quiter la place, & se retirer, comme ceulx de la uille, dans leur grand Fort. Noz gens entrerent dans ledict Chasteau, & sur la grande platte forme planterent une enseigne à la Croix blanche, à la ueile de tous les Angloys. Ce qui ne leur estoit (comme ie croy) fort agreable. Or uoila doncques le deuxieme Fort prinsen un jour sur les Angloys, à leur grade honte & cofusion, & auecques peu de perte des nostres. Maintenant fault venir au principal: dat les Angloys sont enclos de touts costés, tellement qu'il ne scaufoit sortir nulle creature dudict grand Fort que incotinent ne full morte ou prinse. Car parainsi nous tenons le petit Fort de Selacque, qui les tient enserrez d'un costé: & leur Chastean & plate forme nous a faicts maistres de la basse nille, & du haure: parquoy ne peuvent avoir secours ny par mer ny parterre. Le lendemain, qui fut le Dimenche, uingt cinquemedudici moys, le Roy feit faire ses approches de tous costés: & mesmement seit approcher son Camp plus pres, en une uallee: & feit mener deux grades couleurines du costé de la mer, pres l'entree du haure, pour batre une dessence du grand Fort, ioignant la porte, laquelle regarde sur le haure. Six aultres pieces furent mises dans la basse uille, en la place: les troys desquelles battoyent la susdicte dessence, & les aultres troys l'un des Boulleuardz. Du costé de la uille, entre le Fort premier prins, & ledict grand Fort, ou y auoit eu batterie, douze aultres grandes pieces: & du mesme costé, sur la riuiere, y en auoit encores quatre, qui batoyent l'aultre dessence,

ce, ioignant la porte, & auoit la dicte dessence sur le petit Fort: lequel aussi estoit assez bien muni d'artillerie. L'on ne commencea poinct à faire la batterie iusques au Lundy matin, uingt sixieme dudict moys, que l'on leur bailla un tel reueil qu'ils n'auoyent pasenuie de se r'endormir. Le Roy uoulut ueoir faire la batterie, & se meit le long de la marine, contre une muraille: duquellieu l'on pouoit bien ueoir à l'aise le tout. Le Roy feit porter son disner en la tête de monsieur de Brissac, grad Maistre de l'artillerie: qui esfoit dans les Dunes, en la basseuille, du costé de la mer: &, ainsi qu'il uoulut disner, se print à plouvoir si impetueusement qu'il sembloit que le Ciel debuoit mesmes tomber: & n'y auoit sibonne tente qui peust resister cotre telle impetuosité d'eaue: & mesmes plouvoit sur la table du Roy. Monseigneur de Vendosme, monseigneur le Connestable, monseigneur de Guise, monseigneur d'Aumalle, & aultres Seigneurs, disner et tous auec sa Maiesté: mais ce fut à la mode du Camp, tout de bout, par faulte de sieges. Les Angloys se resiouvrent fort, uovat la pluye estre si grade, pensans qu'elle dureroit longuemet, & que nous serions contrainctz les laisser en paix. Ce qui les deceut grandement:car, encores que la pluye fust fort furieuse, lon ne cessa pourtant à faire la batterie. Apres le disner le temps se commenca fort à escharcir & mettre au beau quoy uoyant le Roy, & les aultres Princes, moterent sur une Dunette de sable, un peu plus hault que ladicte tente, pour mieulx ueoir faire la batterie, & feit appeler fon Herauld Bretaigne, pour aller fommer lesdictz Angloys d'eulx rendre. Il y alla auec un Trompette: mais ils n'attendirent pas que ledict Herauld les eust sommez. Car, aussi tost qu'ils les ueirent approcher, ils les repoulserent, à force harquebusades & paroles iniurieuses. Le Herauld eut la

plus grand paeur du Monde: pource que le iour deuant, ainsi que le Roy uenoit de ueoir les approches, luy fut tué son cheual soubs luy, un peu au dessoubs dudict Seigneur, d'un coup de canon. Partelle sorte sut aussi tué, tout aupres de Monseigneur de Vendosme, le Capitaine Merargues, Prouécal, fort uaillant homme: & le Capitaine Launay fortblessé: & encores un aultre tué aufsi de coups de canon. Le Roy, uoyant que les Angloys auoyent repoulsé fi rudement son Herauld, sans le uouloir aulcunement oir, fut fort irrité côtre eulx: & especialement monseigneur le Connestable: lequel commanda incontinent la batterie plus grande, & plus rude qu'au parauant. Ce qui estona tellement les Angloys qu'ils nescauoyent à quelz sainciz se rendre. Car d'un costé ils uoyoyent leurs batteries toutes ropues, & de l'aultre, noz Souldars tout à lentour de leur Fort, en si grade quantité qu'il sembloit que toute la terre en fust couuerte, & qui n'attendoyent que l'heure de doner l'assault: & n'y auoit artillerie, ny harquebuserie, qui les gardast qu'ils n'escarmouchassent iusques à leur porte: &, quad ils ne pouuoyent pis faire, leur gettoyent grands coups de pierres iusques dans leur Fort: & mesmement y eut un de noz Souldars, des uieilles Compaignies de monseigneur de Chastillon, lequel, ne craignant aulcunemet la mort, grimpa tellemét leurs murailles & rampart qu'en la presence de tous, leur alla prendre une enseigne sur un de leurs Boulleuardz (qui ce me semble, estoit une hardiesse assez grande) & fault estimer qu'il n'y auoit celuy la dedas qui n'eust bié uoulu estre en Angleterre. Eulx donc, se uoyant hors despoir de tous secours, delibererent (ainsi qu'ils feirent) de nous enuoyer leur Herauld & Tropette: lesquelz demadoyent, à ioincles mains, à parlementer. Ce qui leur fut permis: & en ce temps le Roy estoit

estoit descendu dans le pauillon, ou il auoit disné. Ledict Herauld uint deuant monseigneur le Connestable, qui luy feit assez bon accueil. Il luy feit sa harangue tout haultement en Fracoys(car il parloit assez bien) & supplioit au Roy, au nom de leur Coronnel, nommé Millord lean gor, & au nom de tous ceulx de dedas ledict Fort qu'il luy pleust prendre ledict Fort soubs sa main, & qu'il les en laissass tous aller, leurs vies & bagues saulues: mais il luy sut commandé de faire uenir leur Capitaine, pour le faire parler au Roy, & qu'il uint en asseurance. Ce qu'il feit : toutes foys ne parla qu'à modict Seigneur le Connestable: & pour conclusion, fut accordé que, quant à luy, pour l'honneur de noblesse, il sortiroit auec un cheual & telles armes: ascauoir un corselet, sans espee ny dague: & deux aultres Capitaines auecques luy: &, quat aux aultres Souldarz, femmes & enfans, qu'ils auroyent leurs uies saulues, & s'en yroyent tous en chemise. Or uous ay ie par cy deuant parlé d'un bastard de la Mirandole, qui s'estoit allé rendre à Boullemberg, & depuys s'estoit uenu mettre dans ledict Fort auec partie de ses compaignons. Le Roy ne le uouloit point comprendreen l'appoinctement: mais le uouloit auoir à sa misericorde: & croy bien qu'il luy uouloit donner quelque bonne Euesché, & le Preuost la Voulte luy éust donné ses premiers ordres.Le Capitaine du dict Fort ne s'y uoulut accorder, & dist qu'il ne feroit appointement que ledict bastard n'y fust comprins: carainsi le luy auoit il promis: &, se prosternant à genoux deuant mondict Seigneur le Connestable, luy pria que plustost que ledict bastard eust mal, qu'il luy feist coupper la teste:pource qu'il luy auoit promis de le sauluer. Quoy uoyat mondiet Seigneur, & le grand cueur dudiet Capitaine, luy donna ledict bastard. Ainsi fut rendu ledict Fort, le Lundy

uingt & sixieme d'Aoust, enuiron le Midy: & n'y eut que la Compaignie de monsieur de Chastillon qui entrast dedans: pource que monseigneur le Connestable, & ledict Seigneur de Chastillon, son nepueu, gardoyent à toute force que les aultres n'y entrassent qui estoit toutes foys chose bien forte à faire: car, ce pédant qu'ils gardoyent un costé, les aultres Souldars grimpoyent, comme chatz, les rampars par un aultre: & les inclinoit à ce faire le grand desir qu'ils auoyent de butiner comme les aultres: & yeut beaucoup de Souldars qui s'y feirent riches, & y trouuerent force argent: car la dedans estoit le payement de toutes leurs aultres garnisons d'enuiron. Ledict Fort fut trouvé bien garni de toutes munitions de guerre:comme pouldres, boullets, arcs, fleches, uoulges, rancons, & aultres munitions de guerre: &, quant à l'artillerie (laquelle i'ay depuys les prinses, par tous les Fortz, par le commendement du Roy, nobree & mesuree en prenat aussi le desseing, & mesmes de tous lessus dictz Forts, places, & assiette du Cap, suyuat mon estat) vauoit plusieurs pieces de sonte, tant grandes que petites, & grad nombre de beaulx Canons & Couleurines du poix de 5400. 5159. 3100. & 2422. liures chascune, les une plus, les aultres moins: & uingt pieces de ser, dont y en auoit de fort belles. Quant aux uiures, il y en auoit affez: comme bledz, uins, bieres, chairs fresches & salees, force formages de Hollande, plus de uingt quintaulx, gradz comme fondz de tonneaulx, & force poissons sallez, & force boys pour le chauffage: & ne restoit aultre chose, sinon qu'il n'y auoit pas de gens de cueur dedans, comme bien le monstrerent. Car la place d'elle mesme estoit assez forte. Sur le haure fut trouvé du charbon de terre bien pour dix ou douze mil liures: qui estoit la fournition de l'yuer pour tous les aultres Forts.

Forts. Apres que la dicte place fut pillee & saccagee, par noz dictz Souldars, la bresche sut ouverte aux aultres, à qui uoulut entrer dedans: & lors eussiez ueu si grand nombre de gens à y entrer, & une si grande foule, qu'il leur sembloit ny pouuoir iamais entrer à temps pour piller: mais c'estoit trop tard. Car les premiers uenus n'auoyent rien oublié à prendre. La uoyoit l'on despouiller hommes & femmes tous nuds, & infques à leur chercher par leurs parties secretes, s'ils auovent quelque argent caché: &, ne leur trouuaut riens, les laisser les uns tous nuds, les aultres auec seulement une demie chemise, pour couurir seulement leurs parties honteuses. Les uns estoyent brussez, toute leur personne, de pouldre d'artillerie: l'aultre blessé en un bras, ou une jambe: les aultres morts estendus en la place: & generalement tous faisoyent si grandz heurlemens, & auec telle defolation, que c'estoit chose espouuentable à ueoir. Durat lequel temps le Roy & monfeigneur le Connestable feirent renger en bataille toutes les Compaignies, uieilles & nouuelles, le long du chemin, qui alloit de la basse uille à nostre Camp: qui estoit planté en une ualee, distant de la dicteuille enuiron six cens pas communs. Les sufdictes Compaignies estoyent régees d'un costé & d'aultre du chemin, en sorte que le chemin demouroit franc entre eulx pour passer aisement tous les uaincus. Apres estoit la fanterie Francoyse: qui estoit la plus belle, & la mieulx en ordre, qui fut iamais ueue, & la mieulx armee: especialement ceulx des uieilles Compaignies. Apres estoyent les Compaignies des Lanzquenetz du Comte Ringraue, en un bataillon fort bien mené, que le Roy feit marcher en bataille, en presence des uaincus : qui estoit chose fort belle à ueoir. Apres lesdictz Lanzquenetz estoyent les Compaignies des hommes d'ar-

mes

mes, fort bien en ordre, & sur tout celle de monseigneur d'Aumalle: ou les cheuaulx estoyent tous bardés. Apres les hommes d'armes & archiers estoyent les cheuaulx legiers, tous fort bien armez & montez, & la oyoit l'oncheuaulx hannir, Trompettes, tabourins, & fiffres sonner, si qu'il sembloit que la terre deust fendre. Estant doncques les susdictes Compaignies ainsi rengees, l'on seit crier dedans le Fort d'Ambletene, à son de tabourin, de par le Roy, que tous Souldars, qui auroyent prins aulcuns Angloys dans ledict Fort, eussent tout incotinent, sur peine de la hart, à les amener en la place dudict Fort: & la monseigneur de Chastil-Ion, par le commandement du Roy, & de monseigneur le Connestable, les feit sortir dehors, les rangeant de troys en troys: & pouuoyent estre en tout, homes & femmes, desept à huict cents: & les feit l'on passer par le chemin qui, comme i'ay dessus dict, estoit entre les susdictes Copaignies: au millieu duquel rang estoit la Maiesté du Roy, tout armé, & uestu en sa grande magnificence, autant richement qu'il est possible: & sembloit bien Prince de grande Maiesté. Aupres de luy estoit monseigneur le Connestable, Monseigneur de Vendosme, monseigneur de Guise, monseigneur d'Aumalle, monseigneur le Marquis du Maine son frere, & tous les aultres Princes & grandz Seigneurs de samaison: accompaigné aussi de sa Cornette: & me seroit chose bien difficile de descrire seulemet la moitie de la richesse & broderie d'or & d'argent, qui estoit tant es habillemens que garnimens de cheuaulx. La estoit aussi moseigneur de Boysi, grad Escuyer de sa Maieste, uestu d'un hoqueton de drap d'or frizé, enrichi de broderie, & defacon fortriche, & la grand Escuyerie du Roy, que menoyent les pages dudict Seigneur, tousue ffus.

stus de leurs sayes de liurees blanc & noir, tous faietz en broderie, & les harnoys des cheuaulx tous graués, dorés, & recamés de diuerses facons. chose de grande admiration à ueoir. Passant donc ques ainsi celle desolée Compaignie de uaincus, de troys en troys, ainsi qu'ils estoyent deuant sa Maiesté, luy faisoyent la reuerence, luy rendant graces de ce qu'il leur auoit laissé leurs uies saulues: mais Dieu scait de quel cueur ils benissoyent entre leurs dentz: car ie congnoy assez leur naturel. Bref, c'estoit chose pitoyable à les ueoir marcher à la sorte, & ainsi mal atournés: car les uns estoyent à moitié brussés: les aultres un bras en escharpe: les aultres boyteux : les aultres n'auoyent que la moitié d'une chemise: les aultres quasi tous nuds. Puys, sur la fin, venoit leur Tresorier general, tout en pourpoint, monté sur un meschant cheual, sans bottes ny esperons, & la teste bandee: car il estoit blessé: & estoit bel homme, & de grand'stature, aagé d'enuiron soixante ans: & s'alloit, par foys, tirant la barbe de despit : car il n'estoit de cest aduis que les aultres se deussent rendre: & bien monstroit qu'il entendoit mieulx le faict de la guerre qu'eulx. Apres luy uenoit leur Chef, monté sur un petit courtault, armé en la sorte que i'ay cy dessus dicte, & uestu d'une robe de ueloux noir, les manches garnies de boutons d'or, un bonnet de ueloux aussi, garny de boutons, & estoit assez beau ieune Gentilhomme, aagé d'enuirouingt six ans: 8, tout aussi tost qu'il fut deuat la Maieste Royale, meit pied à terre, & ua embracer la iambe dudict Seigneur, pour luy baiser le pied:mais sa Maiesté ne le permeit: & luy donnant l'accolade de la main, comme Prince doulx & pi-

toyable, le feit leuer, & luy offrit que, s'il uouloit demourer de pardeca, il luy feroit bon traictement: mais ledict Capitaine s'en excusa, encores qu'il se doubtast que l'on le feroit mourir en Anglettere. Ce que ie pense bien qu'ils feront: car, aussi tost qu'il fut arriue à Calais, l'on l'enuoya prisonnier en Angleterre. Apresqu'il eut prins congé du Roy, le bastard de la Mirandole monta en croppe derriere luy: & aulcuns de ses compaignons, Italiens, furent lendemain pendus par le bourreau du Preuost la Voulte. Ainsi s'en alla le chemin de Calais ceste miserable & desolee compaignie, à leur grand honte, perte, & confusion: & le Roy s'en retorna en ses tentes; auec tous ses Princes & grandz Seigneurs, tous pleins de joye & de liesse, se uoyans uictorieux en si peu de temps, & auec si petite perte, de tant de belles places & forteresses. Apres cela l'on couurit pour le souper dudict Seigneur: sur la fin duquel arriva un Tabourin d'un autre Fort des susdictz Angloys, nommé Blacaunez: qui est sur le bort de la mer, tirant à Calais, à une lieue & demye d'Ambletene: & est une petite place, à quatre Boulleuardz, faicte de pierre de rocher de mer, & bien munie de toutes munitions. Ledict Tabourin demandoit à parler au Capitaine d'Ambletene, pour scauoir qu'il uouloit que l'on feist de la place: mais monseigneur le Connestable luy feit faire responce, par un Truchement, que le susdict Capitaine estoit ia pres de Calais, & qu'il dist à son maistre le Capitaine dudict Blacaunez que, s'il ne rendoit la place dans deux heures, entre les mains du Roy, qu'il les feroit tous pendre: & pource luy enuoya un Trompette, pour luy faire la dice fommation: &, le mesme soir, enuova aussi

aussi sa Copaignie entre ledict Fort & Calais, afin que durant la nuict ne peust eschaper personne. Ils n'attendirent pas le siege leur estre planté deuat: car, le matin ensuyuant, des l'aube du jour, uint à monseigneur le Connestable leur Capitaine, qui luy rendit ledict Fort, aux mesines coditions de ceulx d'Ambletene. Ce qui fut faict le Mardy uingt & septieme iour d'Aoust: auquel iour le Roy enuoya dedans le Capitaine de saincte Marie, Gascon, auec sa Copaignie. Le Ieudy apres, uingt & neufieme dudict moys, au plus matin, de peur des mousches, ceulx du Fort de Boullemberg, craignans la fureur des Francoys, & comme gens du tout despourueus de boncueur, quitterent leur place, & emmenerent toute leur artillerie & bagage: puys meirent le feu dedans, & se retirerent dedans Boulongne: dequoy s'apperceuant un de noz Capitaines du petit Camp (que, come i'ay dessus dict, le Roy auoit laissé pres dudict Fort, pour la seureté des passages) nomé le Vicomte nostre Dame, entra dedas ledict Fort, & y planta son enseigne. puys, en toute diligence, l'alla signifier au Roy: qui ia faisoit marcher son Camp pour retourner à Hardentun, ou ia auoit campé une foys. Les Compaignies uieilles de monsieur de Chastillon demourerent dedans Ambletene: & mesmement ledict Seigneur en fut faict Capitaine general: & le Capitaine Fauas, & un aultre, demourerent au Fort de Selacque. De Ardentun le Roy uint camper en un uillage, nomé Huictmil, qui est en une uallee, à demie lieue de la tour d'Ordre, & quelque peu d'aduantage: & du costé de la marine, assez pres de la dicte Tour, y seit commencer des tranchees, pour y uouloir faire un Fort, pour garder que l'on

n'eust peu auitailler, par mer ny par terre, ladicte Tour:&, ce temps pendant que l'on faisoit les susdictes tranchees, arriverent à la radde, tout au deuant, troys nauires d'Angleterre, chargés de gens & munitions, pour mener dans Ambletene: mais, uoyans qu'ils estoyent frustrés de leurs entreprinses, s'en uindrent aborder deuat ladicte Tour:& uoyans femblablement noz Souldars, que incessamment escarmoucheoyent, iusques au pied de la Tour d'Ordre, estant illec en presence la Maiesté du Roy, sur le bord de la marine, pour ueoir designer le susdict Fort, ils meirent deux de leurs esquifz en mer, auec troys hommes, qui descendirent en terre, avans chascun un sac sur leur dos, chargé come ie pense, ou de pouldre, ou d'argent: & croy bien que ce pouvoit estre plustost argent qu'aultre chose: car les facs estoyent petits & fort pesans. Ils se meirent en debuoir d'entrer en la tour d'Ordre: mais noz Souldars, qui escarmoucheoyent auec les Angloys, les poursuyuirent de si pres que l'un d'eux fut tué, & l'aultre fort blessé à la cuisse, d'une harquebusade: mais toutes soys sut sorti à la rescoufse par ceulx de dedás, en sorte qu'ils retirerent le mort dans leur Fort, & les aultres aussi, qui porterent dedans, auec eulx, leurs sacs. Le Roy, uoyant que les susdictz nauires ne le bougeoyent de la radde, feit tout incôtinent amener du Camp un Canon, qu'il feit bancquer sur le bort de la mer contre les susdictz nauires: & les salua l'on par quatre ou cinq coups, de telle sorte qu'ils furent contrainctz de mettre leurs uoilles au uent, & s'en retourner. Noz gens escarmoucheoyent tousiours dun costé, & noz pionniers de l'aultre trauailloyent, en toute diligence, à faire lesdictes

ctes tranchees: mais fortune uariable, desia ennemie & enuieuse de la bonne prosperité de nostre Roy, ne uoulut permettre que si aisément s'acheuastune si louable & tant desiree entreprinse:car, sur le soir, se leua une pluyesi grande & si furieuse, durant par deux iours & deux nuictz, sans cesser, qu'il sembloit que mesme la terre deust sondre en eaue: ensorte que le Roy sut cotrainet de ropre son Camp, & laisser bonne garnison par tous ses Fortz & places, tant de fanteries, caualleries, que cheuaulx legiers: & s'est retiree sa Maiesté de pardeca, attédant la Primeuere, pour y retourner, auec telle force & puissance que l'espere en Dieu que ce ne sera sans recouurer Boulongne, & dechacer, pour une foys, toute celle barbare & tirannique nation d'Angloys, hors dece bon & fleurissant païs. Et debuons bien tous prier Dieu pour la bonne santé & prosperité de nostre tres bon, tresillustre, & tresuertueux Prince & Roy, & qu'il luy uueille doner la grace de pouuoir resister à l'encontre de ses ennemis: & peut la republique Francoyse à bon droiet louer Dieu, de tout son cueur, de nous auoir pourueu de celuy qui est plus approchant à la nature des Dieux qu'à celle des humains, pour les prouesses & uertus qui d'une diuine prouidence sont en luy infuses, au grand cotentement & profit de tout son peuple: lequel bien heureux se doibt appeler de ueoir nature auoir ainsi miraculeusement estenduses dons & persections sur celuy, qui, soubs l'obeissance du hault & puissant Createur de toutes choses, ne fait doubte uaincre & dominer la puissance de ceulx, qui de sa couronne vouldroyent desirer la ruine. Et en cest endroiet, Monseigneur, mettray fin à ce long

m 1 2 3 4 5 6 7 8 9 10 11 12 13 1

